

教育部審定

共和國  
教科書  
新國文

高等小學校春季始業  
第一冊  
學生用

商務印書館發行

民國卅二年

元版 民國卅一年



## 編輯大意

本編爲高等小學校學生用之教科書。全書特色如下。

- 一 注重自由平等之精神。守法合羣之德義。以養成共和國民之人格。
- 二 表章中華固有之國粹。以啟發國民之愛國心。
- 三 矯正舊有之弊俗。以增進國民之智德。
- 四 詳言國體政體及一切法政常識。以普及參政之能力。
- 五 提倡漢滿蒙回藏五族平等主義。以鞏固統一民國之基礎。
- 六 注重博愛主義。推及待外人愛生物等事。以擴充國民之德量。
- 七 注意體育及軍事上之智識。以發揮尚武之精神。
- 八 注重國民生活上之技能。以養成獨立自營之能力。
- 九 關於歷史地理理科之材料。以有興趣者爲主。與各科無重複之弊。
- 十 選錄古今名人著作。以養成文字之初基。
- 十一 各種文體略備。使學生知其梗概。惟詔令奏議二類。非共和國所用。故不採。

本編所採古文。全錄原文者。載明著者之姓名。其有刪節者。則將著者之姓名出處載於教授法。

本編每冊不限篇數。每篇不限字數。其編列次序。一以內容為主。每篇教授之時間。注於目次之下。

本編第一年每時約教授八九十字。至第三年遞加至百五六十十字。惟教授之時間。不能但以文字之多少為斷。凡材料較繁。文字較深者。每時教授之字數宜稍減。材料較簡。文字較淺者。字數可略增。

謹按定章。高等小學國文科。第一年每週授課十時。第二三年每週授課八時。作文習字。約占其半。講讀國文

之時間。第一年每週應得五時。第二三年每週應得四時。本編前二冊每冊分配百時。後四冊每冊分配八

十時。以二冊供一學年之用。

本編每節另行上空格。以免與下節混淆。

本編文字遇讀用尖點。遇句用圈。遇文中之要點。則用套圈。醒目。名辭連綴處。加圓點於兩名辭之間。遇文章

節目及扼要處。酌加密點密圈。

文中有引用成語及問答之詞。皆以「」為標識。

本編第一二冊文字程度與本館初等小學校用共和國教科書新國文七八冊。恰相銜。以下各冊。逐漸加

深。期無躐等之弊。

本編按冊另編教授法。按課編列教授方法。並將文中一名一物。詳加註釋。專供教員之用。

# 目次

	授課時數		授課時數
第一 國體與政體	二	第二 民國成立始末	四
第三 華盛頓(一)	三	第四 華盛頓(二)	三
第五 美國二縫工	二	第六 桃花源記陶潛	三
第七 愛蓮說周敦頤	一	第八 杏園中棗樹白居易	一
第九 獅	三	第十 駝鳥	三
第十一 望遠鏡	三	第十二 顯微鏡	二
第十三 蚊	三	第十四 行旅	二
第十五 鐵達尼郵船遇險記(一)	二	第十六 鐵達尼郵船遇險記(二)	三
第十七 良馬對岳飛	二	第十八 馬說韓愈	二
第十九 麥	三	第二十 稻	三
第二十一 勤訓李文昭	三	第二十二 儉訓李文昭	三

第二十三 共和政體	三	第二十四 盧騷	四
第二十五 演說	三	第二十六 國語	四
第二十七 文字	四	第二十八 凌霄花 白居易	一
第二十九 黔之驢 柳宗元	一	第三十 永某氏之鼠 柳宗元	二
第三十一 臨江之麋 柳宗元	一	第三十二 因小失大	四
第三十三 元之強盛	四	第三十四 進步	三
第三十五 男女	三	第三十六 尊重人類	四
第三十七 僑民	三		

時間分配方法附

每篇教授二時者其分配方法可分三種(甲)每篇平分二段每時教授一段(乙)每篇分二段第一段較多第二段較少第一時教授第一段第二時教授第二段并復習全篇(丙)不分段落第一時教授第二時復習其每篇教授三時以上者以此類推(如三時者可分二三段四時者可分三四段或竟不分段落視各篇內容而定)

春季始業 新國文第一冊

第一 國體與政體

國體有二曰君主曰民主君位世襲者是為君主國不置君位由人民公舉總統者是為民主國政體有二曰專制曰立憲政權由一人或一部獨攬者是為專制國政權分為數部者是為立憲國立憲國之政權大抵分為三部立法屬於議院司法屬於法院行政屬於政府各有權限一切以憲法為斷異。惟君主專制不適於今日之世界幾無復存者矣



第二 民國成立始末

我國政體、本爲君主專制。一治一亂、數千年如一轍。明之亡也、滿族入據中原、優待其種人、權利義務與漢蒙回藏諸民族、未能平等。人心積不能平、時有反抗之舉。邇來內治不振、外交失敗、各省人民要求立憲者、踵趾相接。清廷雖許之、遲之又久、無意實行。而親貴柄政、擅權納賄、視前加甚。人民愈失望、革命風潮乃一發而不可復遏。

辛亥八月十九日、湖北陸軍起事於武昌。越兩日、占領漢陽漢口、秩序井然。各地聞風響應、紛紛宣告獨立。

中華民國全國圖



與中央政府脫離關係。十一月十三日十七省代表會於江寧設立臨時政府。建號曰中華民國。改用陽歷。卽以是日爲元年元旦云。

清廷知人心已去、遣使與民國議。

脫

和久而不決。蒙古西藏。又有分離之說。大局岌岌。勢將破裂。愛國者恐以兵力相持。啓外人干涉。竭力調和。南北意見漸洽。優待皇室條款亦議定。清帝乃於民國元年二月十二日遜位。中華民國成立。乃合漢滿蒙回藏五民族爲民主立憲國。

### 第三 華盛頓(一)

華盛頓。美洲農家子也。幼有大志。嘗爲羣兒長。兒有爭奪者。爲排解之。辨其曲直。如決獄老吏。父老皆奇之。年十六。爲量地官。時英法二國分據北美洲。法國僑民侵略英屬。美洲土人亦乘機起。英人設兵防之。舉華盛

華盛頓



頓爲隊將。所向克捷。年二十三。以功擢提督。每戰身先士卒。陷敵陣。往來馳驟。敵人莫敢櫻。三年間。遂克法兵。並平土人之亂。

會英法交兵。數年不決。英以軍需浩大。國債甚鉅。欲取償於屬地。乃徵美洲重稅。關禁甚嚴。英人居美者。不便之。宣言英國舊律更定稅。則必由民舉議員定之。因

請立美洲議院、如英制。英廷不允。僑民大憤、不奉令。雖婦人孺子、亦主持自立、起與英抗。西歷一千七百七十五年、北美十三州會議、公立議院、籌禦英策、共推華盛頓爲元帥、與英宣戰。

第四 華盛頓 (三)

當是時、外無強國之援、內無久練之兵、徒以不堪虐政、萬衆一心、起而抵禦。華盛頓拮据於萬難之中、血戰四年、會法援兵、至英軍退守華盛頓、自後尾擊、大破之。越三年、華盛頓聯合法軍、奪回紐約、軍威大振。英軍在美者皆瓦解。英美乃會於法京巴黎、認美爲獨立國。

華盛頓見國本已立、解兵歸農。軍士皆依戀、不舍。前後擁衛之、請卽王位。華盛頓怫然曰、「我從田間來、爲救父老子弟、疾苦耳。忍貪王位耶？」衆感其誠、泣別而去。既而各邦代議士議定民主國憲法、推華盛頓爲總統。四年一任。華盛頓承喪亂之餘、民力凋敝、乃創銀行、設鑄幣局、興學校、獎勵商工業。在位四年、國以富庶。任滿、議院堅留之、辭不獲、復留。又四年、乃解職、隱於鄉野。服蕭然、與漁樵伍。見者不知其曾爲總統也。

第五 美國二縫工

約翰孫、業縫工。被舉爲議員。嘗在稠人廣座中、議論



政務侃侃而談。座中忽有呼者曰：「爾縫工耳。今日亦來與議乎？」約翰孫從容言曰：「君以余爲縫工乎？始余從事此業，爲人製衣，未嘗不謹所約之期。又不或爽，然則縫工固何損於余也。」座中皆默然，莫能屈。後爲美國總統，有名於時。

何伯孫亦縫工也。偶行經海濱，見軍艦演習，心忽動，欲投身海軍，以建奇功。乃乘小舟詣軍艦，請執役。艦長許之。何伯孫勤於其職，積勞至大將，率軍艦與西班牙戰於海上，大破之，以神勇名。一時功成，歸故鄉，仍至執業。所日處陋室中，未嘗有驕矜之色也。

第六 桃花源記 陶潛

晉太元中，武陵人捕魚爲業。緣溪行，忘路之遠近，忽逢桃花林，夾岸數百步，中無雜樹，芳草鮮美，落英繽紛。漁人甚異之，復前行，欲窮其林。林盡水源，便得一山，山有小口，髣髴若有光，便舍船，從口入。初極狹，纔通人，復行數十步，豁然開朗。土地平曠，屋舍儼然，有良田、美池、桑竹之屬。阡陌交通，雞犬相聞。其中往來種作，男女衣著，悉如外人。黃髮垂髫，並怡然自樂。見漁人，乃大驚問所從來，具答之。便要還家，設酒殺雞作食。村中聞有此，咸來問訊。自云：「先世避秦時亂，率妻子邑人來此絕。」



境不復出焉。遂與外人間隔。問今是何世。乃不知有漢。無論魏晉。此人一一爲具言所聞。皆歎惋。餘人各復延至其家。皆出酒食。停數日。辭去。此中人語云。不足爲外人道也。既出。得其船。便扶向路。處處誌之。及郡下。詣太守。說如此。太守卽遣人隨其往。尋向所誌。遂迷。不復得路。南陽劉子驥。高尙士也。聞之。欣然親往。未果。尋病終。後遂無問津者。

第七 愛蓮說 周敦頤

水陸草木之花。可愛者甚蕃。晉陶淵明獨愛菊。自李唐來。世人甚愛牡丹。予獨愛蓮之出淤泥而不染。濯清

漣而不妖。中通外直。不蔓不枝。香遠益清。亭亭淨植。可遠觀而不可褻玩焉。予謂菊花之隱逸者也。牡丹花之富貴者也。蓮花之君子者也。噫。菊之愛陶後鮮有聞。蓮之愛同予者何人。牡丹之愛宜乎衆矣。

第八 杏園中棗樹 白居易

人言百果中。惟棗凡且鄙。皮皴似龜手。葉小如鼠耳。胡爲不自知。生花此園裏。豈宜遇攀翫。幸免遭傷毀。二月曲江頭。雜英紅旖旎。棗亦在其間。如嫫對西子。東風不擇木。吹煦長未已。眼看欲合抱。得盡生生理。寄言遊春客。乞君一迴視。君愛繞指柔。從君憐柳杞。君求悅目

豔不敢爭桃李。君若作大車輪軸材。須此。

第九 獅

獅窟於荒漠大林中。亞洲非洲皆有之。產於非洲者。猛鷲尤甚。狀雄偉。力甚大。恆稱之曰獸王。雄獅長鬣。茸茸披拂其頸。毛純一無間色。無斑點。黯黯作椶色。尾長而澤。末有叢毛。如小毳。牝獅無鬣。狀較小。趨走騰躍。極靈警。性凶惡。而乳子時尤甚。

獅捕獸時。若迅躍直前。以身觸樹。樹搖葉落。聲必蕭蕭。然遇小樹。則幹摧枝折。動輒有聲。百獸聞之。必慄懼走避。然獅有鬣。奮磔時。長與背等。身未卽物。鬣已先覺。


因鬣趨避。曲折以行。故所過未嘗觸物。寂然無聲。且藉鬣助目。以偵羣獸所聚。徑前撲之。獸不得遁。獅足有巨爪。力絕大。能剋牛馬之皮。足心有輦肉。行時縮爪其間。故舉步甚輕。他獸不覺其來也。欲知獅之爪與鬣。可以貓驗之。貓爪及鬣。皆同於獅。其用亦等。

第十 鴝鳥

鴝鳥爲鳥中之最大者。產於非洲。昂首長頸。高幾及丈。狀如橐駝。故名。鴝鳥毛羽美麗。可爲婦女妝飾之品。趾如牛蹄。有大力。能蹴斃獸類。口及胃甚強。能吞瓦礫。



鳥 駝




中。卵重二斤餘。大於雞卵二十倍。雌雄迭抱之。經四五  
 十日。雛鳴卵中。則雄者以胸骨破殼而出之。  
 駝鳥行甚疾。一躍丈餘。駿馬不能及。然不喜直行。常  
 轉側斜出。獵者策馬直追。及危急時。駝鳥輒納頭於穴

鐵片。鳴聲如獅。人驟  
 聞之。往往誤以為獅。  
 翼小不能高飛。惟躍  
 走時。鼓之以助勢。  
 性善羣。行時如馬  
 隊。鑿沙為巢。生卵其

及草叢中。自以為安。而人遂得而捕之。性易馴。服非洲  
 土人。恆乘駝鳥以行於沙漠。美洲亦產駝鳥。形較小。然  
 性質能力。略與產非洲者等。


第十一 望遠鏡

年老之人。不能見小物。近視之人。不  
 能見遠物。必假眼鏡之力。以輔之。鏡之  
 凸者。能展放物形。擴而大之。宜於老人。  
 鏡之凹者。能收攝物形。引而近之。宜於  
 近視。  
 合凹凸二鏡之力。則既可擴而大之。



又可引而近之。所謂望遠鏡也。登高遠望數里之外。隱約不可辨。以望遠鏡窺之。歷歷如在目前矣。

昔荷蘭有鏡工。方操業時。忽聞其幼子呼曰。吾能見遠寺之塔矣。趨視之。則其子方持一竹筒。前端置凸鏡。後端置凹鏡。憑窗遠望。鏡工取而窺之。高塔屹立眼前。遂因其法。以造望遠鏡。自此鏡出。航



海者。得之可以窺遠。來之船舶。行軍者。得之可以窺敵。人之舉動。天文家。得之可以窺星月之形狀。其功用大矣。

### 第十二 顯微鏡

某兒持顯微鏡。置書上。見字倍大。奇之。父曰。此鏡爲凸玻璃所造。能放大物體。然其力僅數倍耳。其精者。以數玻璃合製一鏡。視物可至千倍。乃取鏡示之。




兒以髮對鏡。窺之。狀如樹枝。又取水一滴。置鏡下。見



微蟲蠕蠕然往來游泳其間兒大喜以告父。

父曰髮之如樹枝水之有微

蟲皆人目所不能見者也。而是鏡能顯之。由此以推則鏡力愈大。所見微物亦愈多。吾人得開廣眼界皆顯微鏡之功也。



### 第十三 蚊

夏夜恆苦蚊。蚊之嘬人無論頭頸手足見嘬則墳起作奇癢。其背張二小翅飛翔頗捷。喙有二鉗作齧齧形中挺細管如舌及附人膚革則張鉗入肌納細管於所

創處吸取血液留其毒涎。故蚊所嘬處輒生奇癢卽涎毒也。

然其生也不過兩三週育卵卽死。卵恆育諸汗水或浮枯槎敗葉之上。一蚊所生自數十至百餘。以顯微鏡窺之如蜂巢碎片。旋臍化爲小蟲人取以飼金魚者卽是蟲也。

蟲曰孑孓不翅不足體末生呼吸管恆倒植其體於水中。水微動則下沈少頃復上吸取空氣。經數日則少長遂蛻形不及小米粒名曰圓子。子更蛻則頭腹均具翅足亦生始成爲蚊。

如○此○子○子○生○於○水○育○於○水○及○其○爲○蚊○也○則○惡○水○物○性○之○異○

蚊○固○可○憎○然○子○子○之○居○水○也○則○食○腐○敗○之○物○有○滅○殺○  
毒○氣○之○力○故○凡○物○有○害○者○恆○有○利○

第十四 行旅

墨○煙○繚○繞○一○日○千○里○非○汽○車○耶○颺○輪○疾○轉○乘○風○破○浪○  
非○汽○船○耶○熙○熙○攘○攘○絡○繹○不○絕○非○乘○車○乘○舟○之○旅○客○耶○  
吾○嘗○廁○身○其○間○覺○喧○譁○擾○亂○毫○無○秩○序○時○而○較○錙○銖○則○  
索○票○價○也○時○而○相○攘○奪○則○爭○坐○位○也○時○而○相○怒○罵○則○失○  
竊○也○醜○態○百○出○諸○惡○畢○備○以○爲○行○旅○之○苦○大○抵○如○斯○矣○

曩○者○漫○遊○歐○美○親○歷○各○國○之○舟○車○則○見○夫○行○客○按○單○  
納○價○依○價○列○席○從○無○隱○紕○金○錢○凌○亂○坐○次○煩○管○理○人○過○  
問○者○茵○褥○器○具○整○齊○修○潔○從○無○玩○弄○而○污○損○之○者○乘○降○  
之○時○老○稚○婦○女○常○居○先○壯○者○常○居○後○從○無○雜○糅○而○衝○突○  
者○偶○值○坐○不○能○容○壯○者○雖○先○至○遇○老○稚○婦○女○必○起○而○讓○  
坐○焉○嗚○呼○此○真○文○明○之○美○風○也○吾○國○人○以○開○化○最○早○著○  
乃○不○於○是○加○之○意○乎○

第十五 鐵達尼郵船遇險記(二)

鐵○達○尼○者○世○界○最○巨○之○郵○船○也○修○八○百○餘○尺○廣○九○十○  
餘○尺○船○中○有○花○園○毬○場○練○藝○所○泗○泳○池○電○氣○浴○室○凡○百○




咸具富麗絕倫。世稱爲海上之宮殿。

是船新製自英國。所費一百十七萬鎊。中華民國元年四月十日。自英國之沙桑布敦啓程。渡大西洋前往美國之紐約。世界人士欲由英渡美者。多守候是船。以

極游觀之樂。

舟行後。天氣清明。水波不興。旅客非常愉快。未數日。竟爲冰山所觸。全船沈沒。時十四日夜半也。

是日鐵達尼疊得無線電報。知有大冰山在航路之北方。船長下令警備。沿航路之南而進。夜將半時。忽覺全船震盪。旅客不以爲意。嬉遊如故。蓋深信製造之堅



固設備之周。至必無意外事也。

### 第十六 鐵達尼郵船遇險記(三)

船既遇險。船長督率船員百計救護。既知無可爲。乃發令下小艇。小艇既備。又令男子退後。婦孺登艇。男子聞令。卽退。穆然無有喧譁者。婦

孺。既。畢。登。男。子。以。次。登。艇。時。船。已。就。沉。其。不。及。艇。者。或  
植。立。船。上。或。躍。入。海。中。無。有。出。怨。語。者。  
時。船。中。電。燈。照。耀。儼。如。白。晝。樂。工。奏。曲。不。改。常。度。久  
之。乃。易。其。歡。愉。之。調。而。爲。莊。重。之。歌。歌。曰。上。帝。乎。吾。將  
近。汝。泊。船。沉。歌。聲。乃。隨。之。俱。沈。於。海。底。船。中。有。郵。局。職  
員。五。人。因。救。護。郵。件。遂。以。身。殉。之。  
是。役。也。船。員。無。不。以。死。守。職。秩。序。井。然。旅。客。之。捨。身  
救。人。者。不。可。勝。數。婦。女。亦。鎮。定。罕。聞。啜。泣。聲。間。有。依。戀  
其。夫。誓。不。願。行。者。船。員。亦。聽。之。不。相。強。也。  
當。遇。險。時。頻。發。無。線。電。報。以。求。援。救。加。伯。德。郵。船。得

電。飛。至。天。已。黎。明。乃。悉。援。小。艇。諸。人。十。八。日。抵。紐。約。被  
難。之。親。故。迎。迓。者。千。餘。醫。師。看。護。婦。孺。集。街。衢。間。默。無  
人。語。氣。象。愁。慘。計。船。中。二。千。二。百。人。得。拯。者。僅。七。百。餘  
人。云。

第十七

良馬對岳飛

高宗問岳飛曰卿得良馬否對曰臣有二馬日啖芻  
豆數斗飲泉一斛然非精潔即不受介而馳初不甚疾  
比行百里始奮迅自午至酉猶可二百里褫鞍甲而不  
息不汗若無事然此其受大而不苟取力裕而不求逞  
致遠之材也不幸相繼以死今所乘者日不過數升而



秣不擇粟、飲不擇泉、攬轡未安、踴躍疾驅、甫百里、力竭汗喘、殆欲斃然。此其寡取易盈、好逞易窮、駑鈍之材也。高宗稱善。

第十八

馬說 韓愈

世有伯樂、然後有千里馬。千里馬常有、而伯樂不常有。故雖有名馬、祇辱於奴隸人之手、駢死於槽枥之間、不以千里稱也。馬之千里者、一食或盡粟一石、食馬者不知其能千里而食也。是馬也、雖有千里之能、食不飽、力不足、才美不外見、且欲與常馬等、不可得、安求其能千里也。策之不以其道、食之不能盡其材、鳴之不能通

其意、執策而臨之、曰：「天下無馬。」嗚呼！其真無馬耶？其真不知馬也。

第十九 麥

水田宜種稻、旱田宜種麥。麥莖中空有節、節間包以鞘、葉細而長、脈平行、多花成穗、花落結實如貫珠、實有芒、防蟲鳥之啄食也。

種麥之期、約在秋末、冬初。時則天漸寒、河水涸、耕旱田作畦、闊二尺許、先施肥料、然後播種。俟其發芽、施犁鋤、以疏其土。嚴冬冰雪盛、則壓土以固其根。翌年麥苗漸長、至開花結實時、四野黃雲、風吹成浪、則正成熟之。

期矣。

麥始發花時不宜多風多風則實中空成熟時不宜多雨多雨則腐不可食。

麥之用甚多大麥可炊以爲糜或製酒或作飴小麥可和豆製醬若磨之成粉可以製麪可以製餅外國人常食之麪包亦小麥所製也。

我國西北諸省產麥甚多南方各地種稻之外時或於其間兼種麥焉。

第二十 稻

稻自初生至於成熟歷時凡百數十日或至二百日。

種稻之法先取稻種漬鹽水中熟者沈不熟者浮取其沈者盛以簍沈於池者數日始播之於田田必已犁已糞土鬆而肥沃者苗長及尺聚之成束按畝分蒔縱橫成行列是謂分秧。

分秧既畢勿搖其本勿損其苗以水分之不足也則屏水如量以肥料之或缺也則糞壅以時以莠草之亂苗也則芟薙務盡勞農朝暮耕作慮或失時雖烈日炙之風雨侵之無片時得稍休息。

秋深稻熟結實纍纍刈取其莖捆載登場先曝以日用涸其水然後擊之於牀揚之於箕磨之於礱舂之於



白而粒米粲然可以供食矣。  
 大江南北氣溫土肥多種麥而春收之夏種稻而秋收之閩廣近熱帶夏秋久熱且饒雨澤稻性溫宜近水故其成熟期較速殆一年兩熟云。

第二十一 勤訓 李文烟

治生之道莫尚乎勤故邵子云一日之計在於晨一歲之計在於春一生之計在於勤言雖近而旨則遠矣。無如人之常情惡勞而好逸甘食嫻衣玩日愒歲以之為農則不能深耕而易耨以之為工則不能計日而效技以之為商則不能乘時而趨利以之為士則不能篤

志而力行。徒然食息於天地之間是一蠹耳。夫天地之化日新則不敝故戶樞不損而流水不腐誠不欲其常安也。人之心與力何獨不然是故勞則思逸則忘凡物之同情也大禹之聖且惜寸陰士行之賢且惜分陰又况賢聖不若彼者也。他如博奕搏菹之類昔人所謂牧豬奴戲耳。劫創攻殺之稱不離於耳非所以養息擾攘孤注之狀不絕於目非所以惜財。祁寒盛暑日夜流連徒足以失時而廢事亦何樂而為之耶。

第二十二 儉訓 李文烟

儉美德也而流俗顧薄之貧者見富者而羨之富者

見尤富者而羨之。一飯十金。一衣百金。一室千金。奈何  
不至於貧且匱也。每見閭閻之中。其父兄古樸質實。足  
以自給。而其子弟。或入胥吏之羣。或附商旅之隊。或列  
紳衿之末。類無不羞向者之爲鄙陋。於是盡舉其規模  
而變之。而累世之藏。或盡廢於一人之手。況夫用之奢  
者。取之不得。不貪算及錙銖。欲深豁其究也。詎求詐  
騙寡廉鮮恥。無所不至。何若量入爲出者。享恆足之  
利乎。且吾所謂儉者。豈必一切損之。養生送死之具。吉  
凶慶弔之需。人道之所不能廢。稱情以施焉。庶乎其不  
至於固耳。惟是金玉之輝煌。組纂之奇麗。水陸珍奇之

供設及優伶之伎歌兒舞女之娛。尤爲居家者之所當  
遠也。

### 第二十三 共和政體

法儒孟德斯鳩曰。共和政體者。人人皆治。人人皆  
治於人。蓋人民各以己意投票選舉。以議一國之政。故  
曰。人人皆治。人既選定議員。若官吏則委以治理之權。  
而服從其下。故曰。人人皆治於人。  
昔者各國政體。多爲君主專制。一國政權恆握於少  
數人之手。又無法律裁制之故。及其弊也。萬機叢脞。而  
不能理刑戮殘酷。而不能止此。尊重自由之民族。所不



甘久於蟄伏者也。反其道以行之而共和政體成立矣。考共和國之原則，全國人民俱有與聞政事之權利。惟國中事業至繁，不能人盡與政，故必選舉議員以組織國會，選舉總統以組織政府。議員與總統既由國民選舉，委託以全國之政權，凡屬國民皆有服從之義務。而議員若總統尤當念責任之重大，施政方針一以民意為斷。治人者治於人者，各盡其道，則國家未有不昌者也。

第二十四 盧騷

盧騷者，法人生於瑞士日內瓦府。幼失母，天資穎敏。

好讀書。年甫成童，已卓然有所樹立。以迫於貧窶，初為雕刻師，繼為音樂師，非其所志也。



百五十年前，法國政治黑暗，貴族專橫，盧騷夙研究政治之學，以矯弊救時。自任時發其所見著之議論，雖非難蜂起，不顧也。

西歷一千七百六十二年，盧騷著《民約論》，其大旨略曰：人民之組成國家，雖無一定之契約，而實有公平之法律為公意所許者，是不啻無形之契約也。今有人焉。

盧  
騷  
者  
瑞  
士  
人  
之  
子

彌遠  
建遠  
之聖法  
之聖法  
之聖法  
之聖法  
之聖法

始業新國文

商務印書館印行

政。尚。專。制。言。莫。予。違。則。民。約。瓦。解。不。復。成。國。蓋。一。國。之。主。權。惟。國。民。公。有。之。彼。統。治。全。國。之。政。府。不。過。承。國。民。之。命。以。代。行。其。意。志。而。已。此。論。一。出。盧。騷。得。謗。彌。甚。執。政。者。惡。其。異。已。屢。下。逮。捕。之。令。盧。騷。遁。迹。匿。影。僅。免。於。難。然。終。鬱。鬱。不。得。志。未。幾。發。狂。疾。死。盧。騷。死。後。十。年。而。法。國。革。命。起。西。歷。一。千。七。百。九。十。三。年。法。王。路。易。十。六。被。刑。法。人。念。盧。騷。為。革。命。先。驅。乃。改。葬。其。遺。骸。並。立。石。像。於。巴。黎。盧。騷。民。約。之。說。後。世。學。階。雖。不。無。異。議。然。推。究。民。主。

政治之起源則無不歸功於盧騷也

第二十五 演說

演說之義何取哉將本之於己以著其獨見參之於衆以證其同心法至善也然一會之設多者至數千人每有人聲喧阗不可遏止雖演說之人口若懸河聲如洪鐘萬難於衆口難查之中從容盡意而聽者既不了於耳即亦不了於心以此言之誠為無益故演說場之禮凡入坐者不得任意起立雜以言笑有不遵者得引而出之即演說者語有未合宜俟其既畢徐加辨難若左右喁喁竊加評議便近於私見既乏光明正大之觀



且爲衆人視聽之擾。此所宜共戒者也。每見禪林梵宇，遇長老登壇說法，僧徒拱默無敢譁者。今吾以文明之舉而反毫無紀律，可恥孰甚焉。

第二十六 國語

合東西南北之人聚於一室而論事達情曲折周至，無隔閼之患者，其道無他，亦曰語言統一而已矣。每見邊僻之人旦夕周旋不出鄉里，一旦至外省接生客酬答之頃，瞠目不能置一詞，左右顧視狀若癡人。雖或積書填牕，清辯溢屑而聽者茫如十不能得其一二。有時左右爲之傳譯，終不能盡如己意，積爲患苦孰甚於是。

且不通國語，非獨一人一家受其弊也。同爲一國之民，同居一國之地，其利害關係至爲密切。今以語言各異之故，凡屬傳達消息、交換智識以及營共同之事業，皆有阻礙。我國四萬萬人各異心恆爲外人所訕笑，雖其原因甚多，而言語不一實爲合羣愛國之阻力也。今各省學校聘東西教員授外國語學，良以語言不通，不足以周知世界之事故，求之不遺餘力。至於國語爲全國人民溝通語言之郵，不容置爲緩圖。凡我少年亟宜研習，務各矯其鄉音，毋爲習慣所囿。此不特一人

之幸抑亦國家之福也。

第二十七 文字

言語可以交換人之思想。然行遠而貽後當濟之以文字。吾輩生古人之後而求古人之用心處今人之羣。

中國古代象形文字埃及古代象形文字

					
鳥	魚	水	山	月	日
					
切	結	飛	淚	老人	俘虜

而紀今人之行事傳諸四方貽之後世使文明之道日趨精審。明一大利器也。在在均資文字。文字者啓發文。上。古。之。時。結。繩。紀。事。今。苗。黎。獠。之。屬。斫。取。樹。枝。部。其。修。短。

鉅細標準一事用識遺忘皆未足為文字也。文字之最。早。出。者。為。我。國。與。埃。及。其。初。皆。象。形。摹。繪。實。物。厥。狀。如。畫。而。諸。國。文。字。咸。胚。胎。於。此。其。後。錯。綜。變。化。各。標。一。格。愈。變。而。愈。離。矣。

文字派別分為二種。一主意義。一主聲音。我國文字。

古文	篆書	隸書	楷書	行書	草書
上	上	上	上	上	上
下	下	下	下	下	下
左	左	左	左	左	左
右	右	右	右	右	右

以意義為主。數可數萬常用者亦數千。最為繁博。象形字。之後變而為古文。篆。隸。今。日。所。通。用。者。則。楷。書。行。書。草。書。也。

歐美各邦之文字皆發源於埃及其後腓尼基人倡  
 為音字以聲音為主字母不逾數十而孳乳無窮為用  
 特簡一傳於希臘變為希臘文再傳於羅馬變為拉丁  
 文各國以其土語與拉丁文混合遂成今日之文字  
 日本文字本出於我國其後有假名四十八字并合  
 聯絡因音求義則近於音字矣然漢字猶未能遽廢也

第二十八 凌霄花白居易

有木名凌霄擢秀非孤標偶依一株樹遂抽百尺條  
 託根附樹身開花寄樹梢自謂得其勢無因有動搖一  
 且樹摧倒獨立暫飄飄疾風從東起吹折不終朝朝為

言法 而松  
 附木而生  
 勢至委折  
 必明依賴  
 全課大意

拂雲花暮為委地樵寄言立身者勿學柔弱苗

第二十九 黔之驢柳宗元

黔無驢有好事者船載以入至則無可用放之山下  
 虎見之龐然大物也以為神蔽林間窺之稍出近之愁  
 然莫相知他日驢一鳴虎大駭遠遁以為且噬已也  
 甚恐然往來視之覺無異能者益習其聲又近出前後  
 終不敢搏稍近益狎蕩倚衝冒驢不勝怒蹄之虎因喜  
 曰技止此耳因跳踉大矚斷其喉盡其肉乃去

第三十 永某氏之鼠柳宗元

永有某氏者拘忌異甚以為己生歲值子鼠子神也



因愛鼠不畜貓禁童僕勿擊鼠倉廩庖廚悉以恣鼠不問由是鼠相告皆來某氏飽食而無禍某氏室無完器施無完衣飲食大率鼠之餘也晝累累與人兼行夜則竊習鬪暴其聲萬狀不可以寢終不厭數歲某氏徙居他州後人來居鼠為態如故其人惡之乃假五六貓闔門撤瓦灌穴羅捕之殺鼠如邱鳴呼彼以其飽食無禍為可恆也哉

第三十一 臨江之麋柳宗元

臨江之人吻得麋鹿攜歸畜之入門羣犬垂涎揚尾皆來其人怒撻之自是日抱就犬習示之使勿動稍使

與之戲積久犬皆如人意麋稍大忘己之麋也以爲犬良我友抵觸偃仆益狎犬畏主人與之俯仰甚善然時啖其舌三年麋出門外見外犬在道甚衆走欲與爲戲外犬見而喜且怒共殺食之狼藉道上麋至死不悟

第三十二 因小失大

有村居者小籬對田畝而門之內狹壞不能嚴局村人出恆反閉之然風過則門立開以是羣雞恆越出籬外羊則羣入籬中村人恆令小兒呼雞久之乃得家人亦悉力驅羊始歸其園其妻告曰籬扉宜得栓不栓則生他虞村人曰修栓

須費百錢得已則已小兒無事可令驅羊防雞亦可藉  
 以習勞因置桎弗修

他日肥豕脫圈衝籬門出踐田禾直趨林樾其僕追  
 之失豕所在村人正居馬廐調惡馬聞之遂棄馬追豕  
 妻居廚次熨其衣聞聲亦出女方調羹湯亦擲其杓是  
 從母後家人共追豕男女雜沓至林中僕人力馳超巖  
 石而過傷足不能起村人始舍豕勿追昇傷僕返比及  
 家則湯已沸溢釜焦火熄兩衫久置熨斗亦焦燬村人  
 乃大恚訶其妻女更視馬廐惡馬失羈已蹴倒良駒斷  
 其一股僕人既傷足臥病旬餘不能力作又亡豕喪駒

及兩衫而午餐亦不得  
 飽弊在愛惜百錢耳

第三十三 元之

強盛

上下五千年環球七  
 萬里建立國家者數以  
 萬計而兵力之強盛幅  
 員之廣大則無有能及  
 元者  
 元者蒙古族也部落分



散爲金人所役屬及太祖鐵木真勢始強盛號爲成吉思汗五傳至世祖忽必烈改號稱元凡七十年間遂統一中國東至高麗南及占城北包吉利吉思西至歐洲誠空前絕後之大帝國也

西歷一千二百三十七年太宗窩闊台遣兵五十萬伐俄羅斯所過皆降屠也烈贊陷莫斯科取幾富遂逼歐洲內地分軍爲二一軍由匈牙利渡多腦河一軍由波蘭侵西勒西亞恣行殺掠歐洲北部諸侯王連兵拒之反爲所敗全歐震動日耳曼諸部皆攜家遠遁緬甸占城交趾僻在南隅叛服無常世祖遣將遠征

諸國皆服爪哇不聽命遣兵破之元之國威遂震於南洋時至元二十九年也

元既併吞各國乃開官道設驛站置守兵行旅便之歐人之東來者陸行自天山南北路以達於北京海行由印度洋以達於福州貿易日盛元主好遠略善用人才凡有才能者不問種族不問宗教無不委心任用故天文算術等學由歐洲輸入中國而中國之火藥指南針印刷術等亦以是時傳入歐洲歐亞文明之交通實自元始

第三十四 進步



人動物之一也。然位於各種動物之上而駕馭動物。以爲己用。彼動物者。被宰殺。被奴役。而無如何。是何故哉。曰。人有進步。而動物無有也。

動物之中。猿爲最靈。人之初生。猶猿耳。然猿之果食。終古如斯也。而人則由生食而火化。由火化而遞進。以至於今日之珍錯。猿之巢林。終古如斯也。而人則由巢窟而宮室。由宮室而遞進。以至於今日之都市。猿之言。語。終古如斯也。而人則由言語而文字。由文字而遞進。以至於今日之文學。猿之技能。終古如斯也。而人則由徒手而器械。由器械而遞進。以至於今日之製造。嗚呼。

此猿之所以永爲人所玩弄。所役使。而不能競也。猿且如此。其他動物可知矣。進步之法。貴於日新月異。而歲不同。使一種之人。停滯不進。則閱時未久。而他種人將挾其奔軼絕塵之勢。來相侵犯。不亦殆乎。

吾國以文明先進著。而近世乃無進步可言。若不急自奮厲。何以爭存於世界。願吾國人以猿爲鑒也。

第三十五 男女

人類之有男女。其猶人之有左右手乎。均手也。而左手之作事。不如右手。然無左手。則不可以爲全人。均人

也。而女子之能力，不如男子。然無女子，則不可以成社會。

人之作書也，率以右手執筆，左手按紙。人之飲食也，率以右手執箸，左手持盃。左右手之相需，有如此男女之相需也。亦然男子治外，女子治內。凡家庭中若會計，若教育，若衣食，皆不能不需女子。且歐美女子任律師，醫士之職者甚多。而學校教師，商業簿記，尤為常職。則安見女子之不如男子也。

我國女子於援助男子之事，多不能任其能自立。以治一業者，尤不多見。而重男輕女之習，遂牢不可破。然

推尋其原則，皆不學之故耳。

第三十六 尊重人類

人生於世，因其天賦智力之不同，與所憑地位之各異，不能無貧賤富貴之分。然既同謂之人，即宜各愛其類。若以富陵貧，以貴陵賤，同類相殘，必非仁人君子所忍出也。

上古之時，勞力之事，無一不以人力任之。社會進化，利用牲畜以供引重致遠之用。而後人類乃尊。

桀無道，以人為車。當時譏之。王荊公老居金陵，子姪勸用肩輿。荊公曰：「以人代畜，吾不忍也。」其尊重人類如

此。宋室南渡。宅都臨安。道路狹小。不利車馬。肩輿之用。始盛。相習成風。不以爲怪。甚且視爲賤役。陵踐之而不恤。

今又有人。力車挽車者。偃僂疾走。喘汗交集。其勞瘁。又視肩輿爲甚。大都會及商埠多用之。歐美列邦。尊重人類。視吾東方人。之以人代畜也。斥爲陋習。然則吾人。當善體荊公之意。共謀所以改革。卽因事勢所迫。不能一旦遽絕。而待遇此等勞力之人。亦宜稍加恩意。於吾心。或少安耳。

社會愈進化。機械愈發達。引重致遠之具。或用汽力。

或用電力。若牲畜之類。且不忍其過勞。況與我同類者乎。吾知仁人君子。其必有以處此矣。

### 第三十七 僑民

我國地利未闢。人口日繁。失業者衆。聞外國有招工者。則冒險以赴之。執事勤。取資廉。外國之資本家。恆樂用之。以故亞南諸島。及美洲海洋洲。無不有吾國之僑民。

僑民之工於海外者。以閩粵人爲多。或以開礦。或以墾田。儉約耐勞。積有餘資。商業亦稍稍興焉。彼地工人。以吾人勤事廉傭之故。致奪其業。心嫉之。美國工黨尤



甚。於是。有。虐。待。華。僑。之。舉。  
 僑。民。雖。久。居。異。域。而。愛。國。愛。鄉。之。心。未。嘗。少。殺。國。中。  
 水。旱。偏。災。輒。籌。鉅。款。為。拯。濟。之。用。又。以。清。政。府。之。不。加。  
 保。護。致。為。外。人。所。魚。肉。也。則。出。資。贊。助。革。命。今。日。民。國。  
 成。立。僑。民。與。有。勞。焉。國。會。議。員。特。設。僑。民。專。額。蓋。為。此。  
 也。

春季  
 新國文第一冊終

# 教育部審定批詞

業 始 季 春  
 書 科 教 國 和 共 學 小 等 高  
 法 授 教 及 書 科 教 文 國 新

教科書批  
 文字明暢教材  
 扼要所擇古人  
 文字尚能合度  
 洵合高等小學  
 校之用  
 教授法批  
 條理清晰解釋  
 詳明每課用意  
 所在均能一一  
 揭出參考一項  
 亦頗扼要洵便  
 教員之用

部又(243)

Republican Series  
**National Readers**  
 For Higher Primary Schools For Two Semesters  
 Approved by the Board of Education  
 Commercial Press, Limited  
 All rights reserved

中華民國十三年六月初七版  
 春季

(共和國  
 教科書  
 第一冊定價大洋壹角實售七折)  
 (外埠酌加運費匯費)

編纂者 武進 莊頤  
 校訂者 長樂 高鳳 謙  
 發行者 商務印書館  
 印刷所 商務印書館  
 總發行所 商務印書館

分售處  
 上海 商務印書館  
 南京 商務印書館  
 杭州 商務印書館  
 蘇州 商務印書館  
 無錫 商務印書館  
 常州 商務印書館  
 鎮江 商務印書館  
 揚州 商務印書館  
 南通 商務印書館  
 蕪湖 商務印書館  
 安慶 商務印書館  
 九江 商務印書館  
 長沙 商務印書館  
 重慶 商務印書館  
 成都 商務印書館  
 昆明 商務印書館  
 貴陽 商務印書館  
 西安 商務印書館  
 蘭州 商務印書館  
 迪化 商務印書館  
 歸綏 商務印書館  
 綏遠 商務印書館  
 大同 商務印書館  
 太原 商務印書館  
 濟南 商務印書館  
 青島 商務印書館  
 煙台 商務印書館  
 威海衛 商務印書館  
 龍口 商務印書館  
 營口 商務印書館  
 安東 商務印書館  
 撫順 商務印書館  
 遼陽 商務印書館  
 鞍山 商務印書館  
 本溪 商務印書館  
 鐵嶺 商務印書館  
 四平街 商務印書館  
 延吉 商務印書館  
 琿春 商務印書館  
 敦化 商務印書館  
 蛟河 商務印書館  
 舒蘭 商務印書館  
 德惠 商務印書館  
 九台 商務印書館  
 農安 商務印書館  
 梨樹 商務印書館  
 懷德 商務印書館  
 雙陽 商務印書館  
 伊通 商務印書館  
 乾安 商務印書館  
 扶餘 商務印書館  
 大安 商務印書館  
 洮安 商務印書館  
 鎮賚 商務印書館  
 瞻榆 商務印書館  
 靖宇 商務印書館  
 磐石 商務印書館  
 榆樹 商務印書館  
 德惠 商務印書館  
 九台 商務印書館  
 農安 商務印書館  
 梨樹 商務印書館  
 懷德 商務印書館  
 雙陽 商務印書館  
 伊通 商務印書館  
 乾安 商務印書館  
 扶餘 商務印書館  
 大安 商務印書館  
 洮安 商務印書館  
 鎮賚 商務印書館  
 瞻榆 商務印書館  
 靖宇 商務印書館  
 磐石 商務印書館  
 榆樹 商務印書館

※此書有著作權翻印必究※  
 中華民國元年十月十九日稟部註冊  
 十一月十九日領到文字第十號執照